



ADMISIÓN DE ALUMNOS: INFORMACIÓN AO ALUMNADO E ÁS FAMILIAS.

DECRETO 254/2012. Artigo 3. Información ao alumnado e ás súas familias

Proxecto educativo.

Unha copia do proxecto educativo do centro pódese consultar no taboleiro de anuncios da entrada do centro así como na páxina web:

<http://www.edu.xunta.es/centros/ceipsada/system/files/CEIP+SADA+Proxecto+educativo+2012.pdf>

Servizos complementarios.

-Comedor escolar.

O centro conta con 43 prazas de comedor escolar. O servizo funciona en base a un compromiso entre a Consellería de Educación, o Concello de Sada e a ANPA As Mariñas. Ofértao a Consellería de Educación nas instalacións do IES O Mosteirón, sendo o transporte dos alumnos a cargo do Concello de Sada e a atención e coidado do alumnado por parte de persoal voluntario da ANPA As Mariñas.

Normativa que regula o servizo de comedor escolar:

-DECRETO 132/2013, do 1 de agosto, polo que se regulan os comedores escolares dos centros docentes públicos non universitarios dependentes da consellería con competencias en materia de educación (DOG do 13-08-2013).

-Orde do 21 de febreiro de 2007 pola que se regula a organización, funcionamento e xestión do servizo de comedor escolar nos centros docentes públicos non universitarios dependentes da Consellería de Educación e Ordenación Universitaria (DOG do 05-03-2007).

-Orde do 13 de xuño de 2008 pola que se modifica a do 21 de febreiro de 2007 pola que se regula a organización, o funcionamento e a xestión do servizo de comedor escolar nos centros docentes públicos non universitarios dependentes desta consellería (DOG do 19-06-2008).

Solicitudes de praza no servizo de comedor escolar. Informarase, a través do taboleiro de anuncios e da web do centro, dos prazos de solicitude e da resolución de admitidos para o próximo curso.

-Transporte escolar. O centro non conta con servizo de transporte escolar.

Actividades escolares complementarias e extraescolares.

Estas actividades teñen carácter voluntario e non lucrativo. Cando se realiza a oferta das mesmas detállase o seu custo.

-Actividades escolares complementarias.

Son saídas, visitas e participación en programas educativos que teñen lugar en horario lectivo e que se inclúen na Programación Xeral Anual. As familias aboan os gastos das entradas aos lugares a visitar e os gastos de estancia de ser o caso. Tamén se debe aboar unha parte dos gastos de transporte, subvencionado en parte polo centro.

-Actividades extraescolares.

Organizadas pola Asociación de Nais e Pais As Mariñas ou polo Concello de Sada. Estas actividades poden ter lugar nas instalacións do centro ou en instalacións exteriores. Inclúense na Programación Xeral Anual e ofértanse ás familias ao inicio de cada curso indicando o custo que implica a participación nas mesmas.

Normativa reguladora do procedemento de admisión.

- DECRETO 254/2012, do 13 de decembro, polo que se regula a admisión de alumnado en centros docentes sostidos con fondos públicos que imparten as ensinanzas de segundo ciclo de educación infantil, de educación primaria, de educación secundaria obrigatoria e de bacharelato reguladas na Lei orgánica 2/2006, do 3 de maio, de educación (DOG 26-12-2012).

-ORDE do 12 de marzo de 2013 pola que se desenvolve o procedemento para a admisión do alumnado en centros docentes sustentados con fondos públicos que impartan ensinanzas de 2º ciclo de educación infantil, de educación primaria, de educación secundaria obrigatoria e de bacharelato reguladas na Lei orgánica 2/2006, do 3 de maio, de educación (DOG 15-03-2013).

Postos escolares ofertados.

Educación infantil			Educación primaria					
2º ciclo			1º ciclo		2º ciclo		3º ciclo	
4º (3 anos)	5º (4 anos)	6º (5 anos)	1º	2º	3º	4º	5º	6º
21*	0	1	4*	3	9	5	6	10

* Destes postos hai que reservar 3 seguindo o indicado no artigo 3.2 da Orde de 12 de marzo de 2013 sobre admisión de alumnado.

Prazo de presentación das solicitudes de admisión

Do 1 ao 20 de marzo de 2013, ámbolos dous incluídos. A solicitude cumprimentarase no Anexo II da Orde de 12 de marzo de 2013, que facilitará no centro ou que se pode cumprimentar e descargar de web da Consellería: <http://www.edu.xunta.es/web/node/7861>

IMPORTANTE. Nota informativa

1. Cada alumna e alumno só pode presentar unha única solicitude no centro no que solicite praza en primeiro lugar. A infracción determinará a perda dos dereitos de prioridade que poidan corresponderlle.
2. O alumnado que ten garantía de permanencia no centro, se presenta solicitude de admisión noutro distinto deberá comunicalo, ao mesmo tempo, a este centro achegando copia da solicitude presentada.
3. O alumnado que ten reservada praza nun centro, se presenta solicitude de admisión noutro distinto deberá comunicar a renuncia á reserva antes do inicio do prazo de presentación de solicitudes de admisión.

Prazo de presentación da documentación xustificativa dos criterios alegados para o baremo.

No caso de haber máis solicitudes que prazas, cuestión da que se informará o 21 de marzo no taboleiro de anuncios e na web do centro, o prazo de presentación da documentación xustificativa dos criterios alegados para o baremo será do 24 de marzo ao 3 de abril, ámbolos dous incluídos.

Calendario e os prazos para formular reclamación.

Reserva de praza:	1 ao 15 de febreiro
Sorteo público desempate:	Antes do 1 de marzo
Publicación vacantes:	Antes do 1 de marzo
Presentación solicitudes admisión:	Do 1 ao 20 de marzo
Presentación documentación xustificativa:	Do 24 de marzo ao 3 de abril
Publicación das listaxes provisionais de admitidos en non admitidos: <i>Prazo de reclamacións ante o consello escolar de 5 días hábiles, a partir do seguinte á publicación</i>	Antes do 25 de abril
Publicación das listaxes definitivas: <i>Prazo de reclamacións: Poderase presentar recurso de alzada ante o xefe territorial no prazo dun mes.</i>	Antes do 15 de maio
Formalización de matrícula en e. infantil e primaria:	Do 20 ao 30 de xuño
Formalización de matrícula en ESO e bacharelato:	Do 25 de xuño ao 10 de xullo
Prazo extraordinario de matrícula: ESO e bacharelato	Do 1 ao 10 de setembro

Prazo para formalizar a matrícula

Do 20 ao 30 de xuño. A matrícula formalizarase no modelo que figura como anexo III da Orde de 12 de marzo de 2013.

Centro de adscrición.

O noso centro está adscrito ao IES Isaac Díaz Pardo de Sada.

Área de influencia do centro e áreas limítrofes.

A área de influencia do CEIP *Sada y sus Contornos* é o casco urbano de Sada.

As áreas limítrofes son as outras dúas zonas educativas existentes no Concello de Sada.

Criterio complementario de puntuación.

O Consello Escolar do Colexio de educación infantil e primaria Sada y sus Contornos, ao abeiro do disposto no DECRETO 254/2012 e na ORDE do 12 de marzo de 2013 pola que se desenvolve o procedemento para a admisión do alumnado en centros docentes sustentados con fondos públicos (DOG de 15-03-2013) dentro dos Criterios xerais de admisión do alumnado, apartado i) Por criterios complementarios consistentes noutras circunstancias relevantes apreciadas xustificadamente polo órgano competente do centro, acorda en sesión ordinaria celebrada o 2 de abril de 2013 establecer o seguinte criterio:

i) Por solicitar en primeiro lugar un centro de ensino público.

A valoración deste criterio será 1 punto.

A acreditación farase de oficio polo propio centro, sendo o documento acreditativo a solicitude de admisión, anexo II da Orde.

Sada a 26 de febreiro de 2014.